



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK
Služba civilne zaštite**

INFORMACIJA

O ORGANIZOVANJU I FUNKCIONIRANJU SISTEMA ZAŠTITE I SPAŠAVANJA I ZAŠTITE OD POŽARA NA PODRUČJU OPĆINE TEŠANJ ZA 2018. GODINU

UVOD

Informacija o organiziranju i funkcionisanju sistema zaštite i spašavanja i sistema zaštite od požara bazira se na dosadašnjoj realizaciji Programa razvoja sistema zaštite i spašavanja 2017-2021. godina („Službeni glasnik Općine Tešanj“, br. 8/17) kojim su određeni ciljevi, politika i strategija zaštite i spašavanja ljudi i materijalnih dobara od prirodnih i drugih nesreća za period od 2017.do 2021. godine, kao i u propisima iz oblasti zaštite i spašavanja i zaštite od požara Općine, Kantona i Federacije BiH.

Ovdje se mora napomenuti da općina, kao jedinica lokalne samouprave ima centralno mjesto i ulogu u sistemu zaštite i spašavanja, iz razloga što se na području općine odvija ukupan život i rad ljudi i što su tu smještene sva materijalna i druga dobra.

I SISTEM ZAŠTITE I SPAŠAVANJA

Radi dobivanja objektivne slike trenutnog stanja i nivoa razvoja oblasti zaštite i spašavanja na području općine Tešanj i potpunog uvida, ova Informacija je izrađena kroz presjek osnovnih segmenata zaštite i spašavanja i to :

- Lična i uzajamna zaštita građana,
- Mjere zaštite i spašavanja,
- Štabovi civilne zaštite,
- Službe zaštite i spašavanja,
- Jedinice civilne zaštite,
- Povjerenici civilne zaštite
- Rukovođenje i upotreba snaga zaštite i spašavanja.

Kompletnu organizaciju civilne zaštite na općini Tešanj vodi Služba civilne zaštite čiji su položaj, ovlaštenja i odgovornosti utvrđeni članom 31. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj : 39/03, 22/06 i 43/10).

STANJE ORGANIZOVANOSTI ZAŠTITE I SPAŠAVANJA

- *Lična i uzajamna zaštita*

Lična i uzajamna zaštita predstavlja najmasovniji oblik pripremanja i organizovanog učešća građana u zaštiti i spašavanju. Provodi se na svim mjestima gdje ljudi žive i rade, a obuhvata: obuku

građana, mjere i postupke preventivne zaštite, prvu pomoć i samopomoć i druge hitne intervencije u zaštiti ljudi i materijalnih dobara koje vrše sami građani .

Značaj ove vrste obuke je poseban, prvenstveno što građani u uslovima kada su ugroženi ljudski životi i materijalna dobra ne smiju biti pasivni promatrači događaja, već aktivni učesnici u zaštiti i spašavanju. Ista se u protekloj godini, realizovala u dijelu provođenja mjere zaštite i spašavanja od požara i drugih mjera i to sa:

1. uposlenicima u preduzećima i ustanovama,
2. učenicima i nastavnicima osnovnih škola,
3. edukacija povjerenika, o značaju i zadacima CZ kao i ulozi povjerenika u MZ u provođenju aktivnosti i mjera zaštite i spašavanja.
4. obaviještavanje putem medija o provođenju preventivnih mjera zaštite od požara i zaštiti od neeksplozivnih ubojnih sredstava (NUS),
5. kroz manifestaciju „OKTOBAR MJESEK- MJESEK ZAŠTITE OD POŽARA“ gdje je čitav mjesec posvećen zaštiti i spašavanju i zaštiti od požara. Treba spomenuti i aktivnosti koje su se odvijale na zahtjev škola i i vrtića, a imale su za cilj educiranje mladih populacija iz oblasti zaštite i spašavanja.

- Mjere zaštite i spašavanja

Postojeći nivo razvoja sistema zaštite i spašavanja u općini teži ka svom napredovanju, tj. Služba civilne zaštite i Općinski štab civilne zaštite intenzivno rade da se ovaj kompleksan sistem unaprijedi kroz opremanje prioritarnim materijalnim sredstvima i popunom neophodnih struktura za adekvatno provođenje mjera zaštite i spašavanja.

Mjere zaštite i spašavanja su organizovane radnje i postupci preventivne i operativne prirode koje pripremaju i provode u okviru svog djelokruga rada organi uprave i drugi organi vlasti i pravna lica, kao nosioci zaštite i spašavanja. Nosioci zaštite i spašavanja planiraju i pripremaju:

- Mjere i postupke od značaja za provođenje preventivne zaštite, kao osnovnog vida sprečavanja nastajanja prirodne ili druge nesreće ili ublažavanja njenog djelovanja,
- Mjere i postupke zaštite i spašavanja u slučaju postojanja neposredne opasnosti od nastanka prirodnih i drugih nesreća,
- Mjere i postupke zaštite i spašavanja tokom trajanja prirodnih i drugih nesreća,
- Mjere i postupke za ublažavanje i otklanjanje posljedica od prirodnih i drugih nesreća.

U 2018. godini osim operativnih mjera iz oblasti zaštite od požara provedene su operativne radnje zaštite i spašavanja od poplava i to u tri navrata, a tokom avgusta mjeseca je proglašeno i stanje prirodne nesreće (01. i 02. avgust). Poseban akcenat je bio na provođenju preventivnih mjera koje su realizovane prema sljedećem:

Sanacija klizišta


Analizirajući stanje klizišta na području općine Služba civilne zaštite pokrenula je aktivnosti monitoringa nad klizištima koja su veća i koja svojim djelovanjem ugrožavaju objekte, infrastrukturu i veće površine zemljišta.

Utvrđeno je da se trenutno u evidenciji nalazi (bazi podataka) 304 klizišta. U skladu sa navedenom bazom podataka sa niskim stepen ugroženosti je 137 klizišta ili 46 %, a srednji i visoki stepen ugroženosti je 167 klizišta ili 54 %. Od toga je visokog i srednjeg stepena ugroženosti do sada sanirano 167 klizišta ili 89 %..

Prema Planu sanacije klizišta na području općine Tešanj u 2018. godini je izvršena sanacija 10 od 12 ugovorenih klizišta u 5 mjesnih zajednica koja su direktno ugrožavala infrastrukturu i stambene objekte, a koja su okarakterisana sa većim stepenom ugrožavanja i karakterističnim geološkim elementima. Dva klizišta nisu sanirana (jedno zbog vremenskih uslova i specifičnog terena, a za drugo nije odobrena saglasnost vlasnika zemljišta). Četiri klizišta su sanirana u skladu sa hitnim mjerama,

dok ostalih šest čine sanacione i preventivne mjere. Vrijednost izvedene sanacije je **53.113,30 KM**, a namjenska sredstva su osigurana u Budžetu Općine i Budžetu Kantona. Realizacijom ovog ugovora na razne načine je sanirano i stabilizirano ukupno 167 klizišta nakon prirodne nesreće 2014. godine.

KARTA SANIRANIH KLIZIŠTA ZA PERIOD 2016.-2018.



Uređenje vodotoka

U toku 2018. godine nastavljene su aktivnosti na provođenju preventivnih mjera zaštite od poplava, a prvenstveno se odnose na nastavak aktivnosti na lokacijama iz 2017. godine. Treba napomenuti da se veoma značajne aktivnosti vode na provođenju ovih preventivnih mjera od 2013. godine, a sa posebnom dinamikom nakon poplava 2014. godine. Tokom 2018. godine realizovane su aktivnosti na sljedećim vodocima:

- Čišćenje korita Trebačke rijeke sa obaloutvrdom kod džamije u MZ Karadaglije,
- Čišćenje Mekiškog potoka u MZ Dobropolje-Mekiš,
- Čišćenje Radušice u MZ Rosulje,
- Čišćenje odvodnih kanala U MZ Jelah
- Čišćenje vodotoka u Bobarama
- Čišćenje vodotoka u Piljužićima
- Čišćenje odvodnog kanala u Novom Selu
- Čišćenje vodotoka u Rosuljama (zahtjev Rosa doo)_zajednička aktivnost
- Čišćenje Planjske rijeke u Oraš Planjama
- Obaloutvrda korita Trebačke rijeke kod zgrade MZ Jablanica
- Sanacija mosta u MZ Jablanica.

Ukupno je očišćeno 1570 metara korita rijeke, i urađeno 68 metara obaloutvrde.

Vrijednost izvršenih radova koje je finansirano iz budžeta Općine i Kantona je 46.303,92 KM.

Postojeći nivo zastupljenosti preventivnih mjera u ukupnim aktivnostima zaštite i spašavanja zauzima značajno mjesto, obzirom da od preventivnih mjera zavisi ublažavanje i sprečavanje nastalih prirodnih i drugih nesreća.

Uklanjanje NUS-a

Neeksplozivna ubojna sredstva (NUS) su sva tijela ili njihovi dijelovi koja u sebi sadrže eksplozivnu materiju, bojni otrov ili radiološku supstancu koja je sposobna da svojim aktiviranjem ugrozi život i zdravlje ljudi i životinja i utiče na okolinu koja ih okružuje.

Nadležnost općinske Službe CZ u ovoj oblasti je da po prijavi građana o nađenom NUS-u isti evidentira, izvrši izviđanje, obilježi lokaciju i obavijesti Sektor za deminiranje i uklanjanje neeksplozivnih ubojnih sredstava Federalne uprave CZ koji preduzima dalje aktivnosti na uklanjanju NUS-a angažujući svoje deminerske timove. Služba civilne zaštite i Tim za uklanjanje NUS-a (TUN tim) nemaju nadležnost nad uklanjanjem oružja.

Stanje na terenu sa aspekta zaštite od NUS-a pokazuje da se još u pojedinačnim slučajevima na području općine Tešanj mogu pronaći neeksplozivna sredstava. **U 2018. godini evidentirano je 15 prijava kojom prilikom je pronađeno i uništeno 375 NUS-a različitih vrsta i kalibara.**

Svakako da treba spomenuti da u toku 2018. godine na području općine Tešanj nije bilo minoincidenata, odnosno slučajeva stradanja ili ranjavanja građana, pripadnika TUN tima i uposlenika Službe civilne zaštite od zaostalog NUS-a, što svakako opravdava sve dosadašnje aktivnosti u provođenju mjera zaštite od NUS-a.

Obzirom na važnost stanja u ovom segmentu zaštite i spašavanja, a tako unapređujući ukupni nivo iste izrađena je Informacija o deminiranju minskih polja i uklanjanju NUS-a na području općine Tešanj za 2018. godinu koje je Općinsko vijeće usvojilo na svojoj redovnoj februarskoj sjednici.

- Općinski štab civilne zaštite

Općinski štab civilne zaštite, kao stručno-operativni organ za provođenje zaštite i spašavanja na području općine, izvršava zadatke u fazi priprema Općine za zaštitu i spašavanje, kao i u situacijama nastanka prirodne i druge nesreće kada rukovodi akcijama zaštite i spašavanja. Za organiziranje i funkcionisanje doneseni su potrebni općinski propisi. Pored Komandanta i Načelnika, Štab civilne zaštite je popunjen u skladu sa formacijom. Radi planskog i organiziranog rada Štab je

donio godišnji Plan aktivnosti. Stručne poslove za potrebe Štaba obavlja Služba civilne zaštite općine Tešanj. Organizacija i popuna ljudstvom Općinskog štaba CZ omogućava izvršavanje namjenskih zadataka. Pored pripadnika Štaba iz Službe CZ, u isti su postavljena i lica drugih tijela, organa i pravnih lica općine Tešanj (Služba Hitne pomoći Doma zdravlja Tešanj, JP "Rad" Tešanj, Veterinarska stanica d.o.o Tešanj, Crveni križ Tešanj i Policijska stanica Tešanj) čime i Štab postaje autoritativan i kompetentan organ civilne zaštite. Svi članovi štaba prošli su teoretsku i praktičnu obuku.

- *Službe zaštite i spašavanja*

Službe zaštite i spašavanja organizirane su Odlukom o organizovanju službi zaštite i spašavanja na području općine Tešanj, i njihovim formiranjem realizovan je dio Programa razvoja zaštite i spašavanja kojim su predviđeno pet službi zaštite i spašavanja na nivou općine i to:

- Služba za medicinsku pomoć,
- Služba za asanaciju, vodosnabdijevanje i čistoću,
- Služba za veterinarsku pomoć,
- Služba za spašavanje sa visina i iz ruševina i
- Služba zaštite od požara.

Službe imaju jasno definisane zadatke, a uglavnom se radi o zadacima koje uposlenici pravnog subjekta izvršavaju kao redovnu djelatnost.

Angažovanje službi se vrši po naredbi Općinskog štaba CZ, a u situacijama kad neposredno prijeti opasnost ili je nastala prirodna, odnosno druga nesreća.

Naziv službe	Preduzeće	Formacija	Po formaciji	Popunjen
Služba za medicinsku pomoć	JU Doma zdravlja Tešanj	vod	30	30
Služba za asanaciju, vodosnabdijevanje i čistoću	JP Rad Tešanj	vod	41	41
Služba za zaštitu životinja	JP Veterinarska stanica doo Tešanj	odjeljenje	16	7
Služba za spašavanje iz ruševina	AB TRANS doo Tešanj	odjeljenje	10	10
Služba zaštite od požara	DVD Jelah i DVD Tešanj 1905	vod	19	19
UKUPNO			116	107

Popuna službi zaštite i spašavanja

- *Jedinice civilne zaštite općine*

Jedinice civilne zaštite organizovane su Odlukom o formiranju i organizovanju jedinica civilne zaštite opće namjene općine Tešanj. Namjena je neposredno angažovanje na izvršavanju zadataka zaštite i spašavanja ljudi i materijalnih dobara od prirodnih i drugih nesreća, kao i otklanjanje posljedica nastalih djelovanjem tih nesreća. Na osnovu Procjene ugroženosti Općina Tešanj i Odluke o organiziraju i funkcioniranju zaštite i spašavanja ljudi i materijalnih dobara od prirodnih i drugih nesreća na području općine Tešanj organizovana je jedinica civilne zaštite opće namjene, koja je namijenjena za djelovanje na području cijele Općine i to samo po naredbi Općinskog štaba.

Naziv jedinice	Formacija		Popunjenost			Starosna struktura				Pol		Stručna Sprema			
	Vod	Odjeljenje	Po formacij	popunjeno	Nedostaje	Do 35	35-45	45-60	Od 60	Muški	Ženski	VSS	VŠ	SSS	NSS
Opće namjene	1	-	32	16	16	4	8	4	0	16	0	0	0	12	4
UKUPNO:	1	-	32	16	16	4	8	4	0	16	0	0	0	12	4

- *Povjerenici civilne zaštite*

Svi povjerenici njih 125 su imenovani donošenjem rješenja Općinskog načelnika. Redovno se i u kontinuitetu vrši obuka, pa je i u 2018. godini izvršena obuka povjerenika CZ, obzirom da isti predstavljaju jedan od najbitnijih segmenata na relaciji građani i operativne snage civilne zaštite.

Povjerenik civilne zaštite je ovlašten da organizuje aktivnosti zaštite i spašavanja u pogledu preduzimanja lične i uzajamne zaštite i provođenja mjera u dijelu naselja, stambenim zgradama i drugim sredinama za koje je određen. Određeno je 125 povjerenika u 25 mjesnih zajednica.

- *Služba civilne zaštite*

Upravne, stručne i druge poslove u oblasti zaštite i spašavanja iz nadležnosti općine obavlja općinska služba civilne zaštite, koja ima status općinske službe za upravu.

Donošenjem novog Zakona o zaštiti od požara i vatrogastva („Službene novine Federacije BiH“, broj : 64/09) nadležnosti općinske službe civilne zaštite su proširene u oblast zaštite od požara i vatrogastva.

Postojanje ove službe je veoma nužno, posebno što su poslovi zaštite i spašavanja raznovrsni i obimni i od posebnog su značaja za općinu. Ova ocjena proizlazi iz činjenice da razne prirodne i druge nesreće mogu ugroziti ljude i materijalna dobra na cijelom području općine i nanijeti velike štete u ljudskim životima i materijalnim dobrima.

- *Operativni centar civilne zaštite općine Tešanj*

U skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine FBiH" broj:08/03, 22/06 i 43/10.), te Pravilnika o organiziranju i funkcioniranju operativnih centara CZ ("Službene novine FBiH" broj: 08/07.), formiran je operativni centar općine Tešanj koji djeluje u sastavu Službe civilne zaštite općine Tešanj.

Operativni centar CZ funkcionira i u ratu i miru kada ima važnu ulogu u zaštiti i spašavanju i posebno je nadležan za vršenje tri osnovne vrste poslova:

- da prikupi podatke o pojavama i opasnostima koje mogu dovesti do prirodne i druge nesreće,
- da obradi, te analizira podatke i odmah ih dostavi nadležnim organima vlasti i pravnim licima na nadležno odlučivanje i postupanje,
- da prenese naredbe Općinskog štaba CZ kada isti funkcionira, a ujedno predstavlja informacijsko-komunikacijsku podršku svim učesnicima u zaštiti i spašavanju u ostvarivanju njihove funkcije.

Operativni centar CZ funkcionira tako što svakodnevno ostvaruje kontakte sa subjektima koji su dužni dostavljati podatke i informacije o pojavama i opasnostima koje mogu dovesti do prirodne i druge nesreće. Iste obrađuje i odmah ih distribuira nadležnim organima vlasti i pravnim licima, a određene informacije prosljeđuje i sredstvima informisanja u cilju informisanja stanovništva.

OPREMA	KOLIČINA	NAPOMENA
Komutacioni pult	1 kom.	
Personalni računar	1 kom.	
Radio uređaj VHF ICOM	16 kom.	-1 operativni centar -11 štab CZ -11 PVJ -1 Hitna pomoć -1 Policijska stanica
Radio uređaj HF MICOM ALE	1 kom.	
EDK sistem za uzbunjivanje-terminal	1 kom.	
VHF Repetitor	3 kom.	
Sirene električne	5 kom.	
Sirene elektronske SES	1 kom.	
LAN mreža	U sastavu općine	

Uspostavljene su radijske veze na VHF i HF opsegu. VHF vezama pokriven je dio područja općine obzirom da je Općina Tešanj u fazi zamjene analognih radio sistema sa digitalnim u skladu sa pravilima i dozvolama Regulatorne agencije za komunikacije (RAK). U 2018. godini pokrenuta je javna nabavka znatne količine opreme za ove potrebe, te će realizacijom ove nabavke svi dijelovi općine u skladu sa tim biti pokriveni radijskom vezom. Pored toga nabavkom je obuhvaćeno i nabavka repetitorkih stanica za prijenos radio signala, čime će u potpunosti biti uspostavljena radijska veza na cijelom području općine.

Pokrivenost signalnim sistemom za uzbunjivanje područja općine je oko 60%, što je zadovoljavajuće obzirom da su pokrivena područja koja su i najugroženija. Instalirano je 6 električnih sirena (Paklanica, Enker, Policijska stanica Tešanj, Vatrogasni dom, Tešanjka i Jelah). Prekidom na TT vodovima iz nadležnosti telekom operatera, od operativnog centra do sirena na Paklanici i Policijskoj stanici, prestale su da funkcionišu navedene sirene putem automatskog uključivanja iz operativnog centra. Na ovaj način samo sirene na zgradi Vatrogasnog doma i Enkera su uključuju automatski, dok ostale sirene manuelnim putem. U toku 2019. godine planirana je nabavka kompletnog sistema za uzbunjivanje čime bi bila pokrivena cijela naseljena teritorija općine.

II ZAŠTITA OD POŽARA

Uvod

Zaštita od požara na području općine Tešanj organizovana je kroz Službu civilne zaštite odnosno Odjeljenje zaštite od požara i vatrogastva - profesionalna vatrogasna jedinica Tešanj, na osnovu Zakona o zaštiti od požara i vatrogastva (Sl. novine FBiH broj: 64/09), Zakona o zaštiti i spašavanju ljudi i materijalnih dobara (Sl. Novine FBiH broj: 39/03, 22/06 i 43/10) i Zakona o zaštiti od požara ZE-DO kantona (Sl. novine ZE-DO kantona broj: 5/11).

- Organizacija vatrogastva na području općine

Vatrogasne snage za obavljanje vatrogasne djelatnosti na području općine Tešanj su:

- a) Profesionalna vatrogasna jedinica Tešanj, koja predstavlja **osnovne snage** za vatrogastvo;
- b) Služba zaštite od požara, koja predstavlja **dopunske snage** za vatrogastvo;
- c) Dobrovoljne vatrogasne jedinice Dobrovoljnog vatrogasnog društva „Tešanj 1905“ i Dobrovoljnog vatrogasnog društva „Jelah“;
- d) Operativni centar civilne zaštite općine, koji osigurava komunikacijsko – informacijsku podršku, vatrogasnoj jedinici, štabovima civilne zaštite i drugim organima koji rukovode akcijama zaštite i

spašavanja na ugroženom području,
e) Štab civilne zaštite općine.

- Operativno djelovanje vatrogasaca

VATROGASTVO

Vatrogasna jedinica Tešanj u 2018. godini realizovala je svoje redovne obaveze na području općine Tešanj na površini od 163 km² i imala je **77 intervencija gašenja požara i spašavanja ljudi i imovine.**

Rad u jedinici se odvija u smjenama po 12 sati uz stalno dežurstvo u vatrogasnoj službi 24 sata dnevno sa po **2 člana** smjene, Starješina grupe i vatrogasac.

Tabelarni prikaz formacije PVJ

RED. BR.	FUNKCIJA	POTREBNO	POPUNJENO	UKUPNO	STAROSNA STRUKTURA			
					Do 35	35-45	45-60	Od 60
1.	Starješina jedinice	1	-	-	-	-	-	-
2.	Starješina grupe	5	5	5	-	1	4	-
3.	Vatrogasac vozač	5	3	3	1	2	-	-
4.	Vatrogasac-serviser	2	1	1	-	-	1	-
5.	Vatrogasac	5	1	1	1	-	-	-
6.	UKUPNO:	18	10	10	2	3	5	-

U 2018. godini raspisan je javni konkurs za prijem 2 vatrogasca, procedura još nije završena.

- Opremljenost vatrogasne jedinice

Tabelarni prikaz vozila

Red. Br.	Marka i tip vozila	Namjena vozila	God. proizvod.	Sadržaj vozila			Starost Vozila (godine)
				Voda	Prah	Pjena	
1.	MERCEDES 2400	Navalno	1972	2500			47
2.	FAP-1616	Kombinovano	1981	4500	1000	500	38
3.	MERCEDES 5000	Navalno	1984	5000		500	35
4.	MAN LJestve	Autoljestve	1997	-	-	-	22
5.	MAN	Cisterna	2001	12000			18
6.	BAGER	Radno	2003.				16
7.	WV CADY	Dostavno	2008				11
8.	ŠKODA ROOMSTER	Putničko	2010				9
9.	FORD TRANSIT	Malo navalno vozilo	2013	1000		100	6
10.	FORD RANGER	Malo tehničko vozilo	2013	150			6

- *Stanje zaštite od požara*

Pregled intervencija gašenja požara 2010-2018. godina

Vrste požara	2010.	2011.	2012.	2013.	2014.	2015.	2016.	2017.	2018.
STAMBENI OBJEKAT	11	15	19	13	10	17	10	22	19
SAOBRAČAJNI UDESI-POŽARI	6		5	6	9	11	5	7	12
POMOĆNE ZGRADE	2	5	8	8	4	4	6	8	4
ŠUMA I NISKO RASTINJE	5	62	84	13	15	22	6	24	8
POSLOVNI OBJEKTI	4	7	7	8	6	6	1	5	5
GUME I OTPAD	1	2	4	7		3	1	13	2
SIJENO	1						1		-
PLINSKA BOCA	1						6		-
OSTALO	15	4			6	1	7	14	27
UKUPNO	46	95	127	55	50	63	43	93	77

Pod stavkom "Ostalo" su uglavnom, intervencije izazvane prirodnim nesrećama, poplavama, klizištima, sanacija posljedica prirodnih nesreća i sl.

- *Zaštita od požara (PREVENTIVA)*

a) APARATI ZA POČETNO GAŠENJE POŽARA

Vatrogasna jedinica Tešanj u 2018. godini servisirala je 9300 vatrogasnih aparata različitih vrsta i tipova aparata. Ovim aktivnostima Općina Tešanj daje svoj doprinos u unapređenju preventivnih aktivnosti zaštite od požara.

b) HIDRANTSKA MREŽA

Prema Zakonu i Pravilniku javno preduzeće koje upravlja vodovodnom i hidrantskom mrežom, dužno je pri izgradnji, rekonstrukciji i korištenju vodovodnih mreža, osigurati propisani kapacitet i pritisak vode u hidrantskoj odnosno vodovodnoj mreži za potrebe gašenja požara, tj. „javna preduzeća i druga pravna lica dužna su stalno održavati u ispravnom stanju hidrantsku mrežu, o čemu vode odgovarajuću evidenciju i o tome izvještavaju nadležnu profesionalnu vatrogasnu jedinicu“, što je u konkretnom slučaju nadležnost za JKP „RAD“ DD Tešanj, a mjesnih vodovoda Mjesne zajednice koje upravljaju istim ili preduzeća koja upravljaju.

Prema pregledu i kontroli hidrantske mreže za područje općine Tešanj, prikazujemo stanje hidrantske mreže za 2018. godinu:

Pregled postojeće hidrantske mreže za područje općine Tešanj,

Red. br.	MJESTO	BROJ HIDRANATA			VRSTA HIDRANTA	NAPOMENA
		ISPRAVNI	NEISPRAVNI	UKUPNO		
1.	Tešanj	12	10	22	Podzemni	
2.	Jelah	7	3	10	Podzemni	
3.	Jelah-polje	1	2	3	Podzemni	
4.	Vukovo	3	/	3	Podzemni	
5.	Čifluk	2	/	2	Podzemni	
6.	Potočani	2	/	2	Podzemni	
7.	Miljanovci - Lončari	36	4	40	Podzemni	
8.	Miljanovci Novi	23	0	23	Podzemni	
9.	Piljužići	9	3	6	Podzemni	
UKUPNO:		88	22	111		
VODOVOD „ROSSA” DOO						
11.	Novo selo	3	1	4	Nadzemni	
12.	Žabljak	1	/	1	Nadzemni	
13.	Rosulje	8	0	8	Nadzemni	
14.	Ljetinić	4	0	4	Nadzemni	
15.	Medakovo	1	0	1	Nadzemni	
UKUPNO:		17	1	18		
SVEGA:		105	23	128		

U skladu sa posljednjim zapisnikom JP RAD d.o.o. Tešanj čija je nadležnost kontrola ispravnosti i ispitivanja, nedostaci koji su definisani kod neispravnih hidranata su :

- uništen ili ukinut hidrant (asfaltiranje),
- neadekvatan priključak na hidrantski nastavak,
- nemogućnost odvrtanja hidranta,
- veliki broj ne označenih hidranata,

7. ZAKLJUČCI I PRIJEDLOZI ZA POBOLJŠANJE RADA

U cilju objektivnog praćenja efikasnosti i efektivnosti civilne zaštite i profesionalne vatrogasne jedinice, potrebno je:

- Nastaviti popunu Službe civilne zaštite, sa akcentom na popunu Profesionalne vatrogasne jedinice u skladu sa Pravilnikom i budžetom ,
- Kontinuirano planirati nabavku vatrogasnih vozila, opreme i drugih materijalnih sredstva, prema potrebi vatrogasne jedinice i u skladu sa finansijskim mogućnostima,
- Nastaviti sa edukacijom profesionalnih vatrogasaca sa posebnim akcentom na edukaciju mladih vatrogasaca i edukaciju iz specijalističkih oblasti zaštite i spašavanja,
- U narednom periodu nastaviti sa saradnju sa dobrovoljnim vatrogasnim jedinica formiranim u dobrovoljnim vatrogasnim društvima.
- U saradnji sa JKP „RAD“ DD Tešanj po prioritetu Vatrogasne jedinice osim održavanja i ispitivanja, gdje je neophodno, instalirati nove hidrante u skladu sa finansijskim mogućnostima,
- Nastaviti sa opremanjem, službi, jedinica i povjerenika.
- Redovno informisati javnost o obavezi provođenja preventivnih mjera, radnji i postupaka u okviru provođenja lične i uzajamne zaštite građana.
- Uspostaviti još bolju saradnju sa Kantonalnom i Federalnom upravom civilne zaštite u svim segmentima, a posebno u sufinansiranju, stručnoj obuci i osposobljavanju.
- Uspostaviti još bolju saradnju sa susjednim profesionalnim vatrogasnim jedinicama i dobrovoljnim vatrogasnim društvima u svim segmentima.

OBRADIVAČ:

POMOĆNIK OPĆINSKOG NAČELNIKA
U SLUŽBI CIVILNE ZAŠTITE
mr.šig: Mensur Saletović, prof.



PREDLAGAČ:

OPĆINSKI NAČELNIK
Mr. Sc. Suad Huskić

Datum: 14.06.2019.godine

Br: 07-44-6 -1296/19



